

東莞 鄧 淳 粹如編輯

香山 鄭廷棣 常蔭參訂

人事下

迎茅娘

欽廉子未娶而死則束茅為婦於郊備鼓樂迎歸而以合葬謂之迎茅娘昔魏武愛子蒼舒卒聘甄氏亡女合葬明帝愛女淑卒娶甄氏亡縣合葬欽之迎茅娘夷風也曹氏父子直為真婚豈足尚

嶺外代答

十妻

南方盛熱不宜男子特宜婦人蓋陽與陽俱則相害陽與陰相求而相養也余觀深廣之女何其多且盛也男子身形卑小顏色黧慘婦人則黑理充肥少疾多力城郭墟市負販逐利率婦人也而

嶺南叢述

卷二十三 人事

欽之小民皆一夫而數妻妻各自負販逐市以贍一夫徒得有夫之名則人不謂之無所歸耳為之夫者終日抱子而遊無子則袖手安居羣歸各結茅散處任夫往來曾不之較至于溪峒之首例有十妻生子莫辨嫡庶至於讐殺云

嶺外代答

白花異牛

一陽和尚俗姓何洪武間遊食至文昌邁特韓岍驛宰家岍厚遇之一陽病岍救療備至後於七月十五夜死岍具棺以葬於西坡地隣里以岍注意於方外士皆哂之岍曰廢錢七百八十文耳不足惜也明年是夜岍夢一陽披黃衣立牛欄中以二手作上下指狀早視欄中牛生一犢毛作白花文若袈裟然心竊識之後犢出角一立一垂如所指狀岍以為一陽後身無疑遂令僮善芻之惜不教耕作鞍跨之走勝馬一日岍乘行海邊遇倭賊追逐驚謂牛曰爾一陽耶當濟此難牛走異常得脫後為焚艫謝家竊殺岍緝

獲贓謝曰吾分食此牛者十三人人願辦錢六十文以償公長者幸無聞官岍私計錢適合前葬費之數大為嗟悼而寢其事因終身與子孫戒至今勿食牛肉云瓊州府志

### 冒白鄉風

廣南黎洞非親喪亦頂白巾婦人以白布巾纏頭家有祀事即以青葉標門禁往來故曰冒白鄉風清波雜誌

### 番禺雜記

民家女為神所依呼為駙馬報牛祭鬼名曰毛藥每熱病作以水淋之名曰水醫稻經獲再生者名曰稻孫嫁女尚鄉歌每集一處名曰歌堂曾慥類說

### 品物名數

廣南呼食為頭梁元帝賜功德淨饌一頭魚為蚪梁科律生魚若干蚪茗為薄為夾溫口貢茗二百大薄梁科筆為雙為床為枚南朝呼筆四管為一床梁簡文答徐摛書時設書幌中置筆床

### 嶺南叢述

卷二十三 人事  
梁合云寫書筆一枚一萬字○侯鯖錄

### 珠兒

越俗以珠為上寶生女為珠娘生男為珠兒綠珠之字由此而起任昉述異記

### 採珠兒

合浦民善游採珠兒年十餘便教入水官禁民採珠巧盜者蹲水底剖蚌得好珠吞而出南州異物志

### 十月送扇

嶺南之俗入冬好食餛飩往往稍暄食須用扇至十月旦率以扇一柄相遺書中以吃餛飩為題故俗云把扇喫餛飩羣居解頤

### 以男女名呼父母

嶺南風俗相呼不以行第唯以各人所生男女小名呼其父母元豐中余任大理丞斷賓州奏案有韋超男名首即呼韋超作父首

章邀男名滿卽呼章邀作父滿章全男女名插娘卽呼章全作父  
插章庶女名睡娘卽呼庶作父睡妻作孀睡青箱雜記

門欸

門欸彼此歃血誓約緩急相接名門欸溪蠻叢笑

喫鄉

喫鄉秋冬之交聚飲以樂名喫鄉溪蠻叢笑

挖親

挖親山遙婚娶聘物以銅與鹽至端午約於山上相携而歸名曰

挖親溪蠻叢笑

出面

出面挖親之後年生子引妻携酒歸見婦家名曰出面溪蠻叢笑

洗面

洗面借人助相誓殺以牛酒往謝名洗面溪蠻叢笑

嶺南叢述 卷二十三 人事

富貴坊

富貴坊競渡預以四月八日下船俗聚飲江岸舟子各招他客盛  
列酒饌以相誇大或獨酌食前方丈羣蠻環觀如雲一年盛事名

富貴坊溪蠻叢笑

黃牛鞍鞵

瓊州不產驢馬人多騎黃牛亦施以鞍鞵加之銜勒可騎者皆自  
小習其步驟甚穩快嶺表錄異

刀耕火種

昌化縣東北黎岐以刀耕火種為名曰斫山集山木而焚之播草  
麻子吉貝二種於積灰之上昌民之利盡於是矣昌化縣志

放閏

韶州十月朔日農家大酺為米糍相饋以大糍粘牛角上曰牛年  
牛照水見影而喜是日牛不穿繩謂之放閏粵東筆記

瓊人無仕元者

宋末瓊州人謝明謝富冉安國黃之傑從安撫趙與珞拒元兵于白沙口皆被執不屈以死於是終元之世郡中無登進士者明與才賢大起文莊忠介于奇甸有光天之所以報忠義也忠義之鍾於人於海外一洲一島殆有甚焉天不得其子孫而報之報之於其地天之窮也

廣語

散財致饒

陳宏泰廣州人徵假貸之財於人其人將鬻蝦蟆萬頭以償宏泰惻然不取所負仍別與錢命悉放蝦蟆於江中後因夜歸馬驚不進前有物光明視之乃金蝦蟆也取之益致富饒

勸善書

五里四會元

南海治西三十里有村曰石頭黎涌石碯相去五里許有四會元世稱五里四會元是其地也黎涌則倫公文敘子以訓石碯則梁

嶺南叢述

卷二十三

人事

四

公儲石頭則霍公韜而文敘復中狀元以訓榜眼以諒解元進士以誥進士世復稱父子四元雙進士海內科名之盛無出其右所謂南倫北許也陳公紹儒云宏嘉之際倫氏一門鼎甲需穗石公採花始全故事臚唱後得謁相臣諸進士咸在相臣語公曰君對策洋洋賈董之流初列名一甲第三今二甲數乎公冲挹自如無幾微見於顏色例二甲爲郎公以次應得北曹顧辭北而南且局戶兵兩曹徒以其闕獲事親從兄愛敬篤至縉紳如公謂之仁讓與邦非耶湛公若水云霍公生十九年而始學卽博而精文雄而昌大旣中會元權臣嫉之勿與狀元也蓋三印卷而三倒置云又倫公文敘霍公韜皆以儒士中式未嘗一日爲諸生是尤可異

廣語

河南讖

李仲僕義命錄倫文敘南海人廣州城南隔江有地名河南古相傳讖云河南人見面廣州狀元現已未歲水涸海珠寺露南岸人

往來相見而文敘魁天下非也其長子以諒云是年不亢旱水曷嘗涸哉聞諸館閣當時豐熙劉龍孫緒爲首甲文敘首二甲緒京師人踪跡不明遂兩易其處又喧傳熙跋大學士劉健使人往禮部告云躬來點舉人名比至見其頭鉅貌偉潔白凝重遂擢居熙上健河南洛陽人也

黃志

### 師弟六皓

甘泉講學天關有簡翁者年百有三歲就而問學將執弟子之禮甘泉弗受也延翁忠愛堂上南向坐已東向坐以賓之謂是翁容貌凝然所養純一赤子之心已復吾當師而事之時甘泉年八十有五觀者謂其以三達之尊而謙讓不遑致禮布衣一老誠爲有道者之風云時有黎養真瑞鸞者年八十二黃慎齋民準年八十一吳藤川純年八十皆遊甘泉門下甘泉稱爲三皓有歌云養真慎齋與藤川三皓同時及我門而袁教授郵者年七十餘與慎齋嶺南叢述

卷二十三

人事

五

同注甘泉心性圖書一堂之上師弟子皆龐眉鶴髮太古衣冠好事者因與簡翁合繪爲圖稱曰師弟六皓其後甘泉年九十五復開龍潭書院時東莞有鍾景星叔輝者年七十有二增城有張春岡潮者年七十有三侍之開講每展書發揮所得聲響不減少年皆異人也

廣語

### 九老雅集

何端恪公維栢家居時有餽佳味者卽白其父延里中九老讌集九老者達齋唐明府年九十二沃泉鄧憲副八十六荔灣周太守八十三獅山周明府八十二端恪之父通議公七十七豫齋曾僉憲與虛谷江明府皆七十二北崖辛通府與惠齋張貳府皆七十一端恪詩五仙舊在三城裏九老今同一里間春日蔬盤真率會風流長得似香山時嘉靖甲寅歲也

廣語

### 父翁壻子皆鄉賢

番禺陳東井政之季女讀書明大義適香山黃粵洲纔其翁爲黃  
雙槐瑜其子卽黃泰泉佐父翁壻子四人皆鄉賢爲世所罕有香山新志

### 祭癘

葉石洞爲惠安宰淫祠盡廢分遣師巫充社夫遇水旱癘疫使行  
禳禮又遵洪武禮制每里一百戶立壇一所祭無祀鬼神祭日皆  
行儻禮或不儻則十二月大儻儻用狂夫一人蒙熊皮黃金四目  
鬼面元衣朱裳執戈揚盾又編茅葦爲長鞭黃冠一人執之擇童  
子年十歲以上十二以下十二人或二十四人皆赤幘執桃木而  
噪入各人家室逐疫鳴鞭而出各家或用醋炭以送疫黃冠倡童  
子和曰甲作食剝胈胃食虎雄伯食魃騰簡食不祥攬諸食咎伯  
奇食夢強梁祖明共食磔死寄生委隨食觀錯斷食巨窮奇騰根  
共食蠱凡使十二神追惡凶赫汝軀拉汝幹節解汝肉抽汝肺腸  
嶺南叢述 卷二十三 人事 六

汝不急去後者爲糧此乃古禮雖孔子所不敢違也後世此禮廢  
絕每逢灾疾乃至禳星告斗作諸無益其傷民財甚矣善乎石洞  
之能導民以禮也始下車卽召作佛事者云知縣到任二十日禮  
教未敷致百姓居喪而作佛事罪在知縣卽取幡幢鬼魘鈴鐸等  
焚毀孝子僧衆聽講小學一章有何選卿者居喪不作佛事石洞  
以爲賢於袞冠博帶誦法孔子者特具羊酒遣父老親禮其廬以  
示旌異廣語

### 魚腹獲銀

予宗兄霽爲予言守備惠潮時饒平有兄弟二人家貧賦性質謹  
見販魚者有息乃免之携已往海濱市之衆共驅車以往至其地  
衆摘鮮美者載之專車而去惟餘一大沙魚令兄弟二人市之二  
人舁置車上重不可行乃下車助牛挽之至中途力匱相與謀剖  
魚腹使輕之中有死人腰銀一袋重百兩二人喜遂載魚棄屍而

歸以銀獻母且告之由母曰彼以利而陷於死汝得利而棄其屍吾不忍也其以十金易棺葬之二人從母言還至其地以十金買棺葬之而分其餘由此家益裕

叢談

### 鴿變

嘉靖三年初潮陽縣民有得鴿鳥於河南者名四停花以計愚民價漸增至十至百有幾千者民不分少長男女皆傾產爲之百業俱廢山徑間多至殺奪兵備僉事施儒按潮厲禁民不悟至颶風作海溢方稍息今餘風未殄多破產忘軀者未幾劫盜羣起

潮陽縣志

### 獨鶴見兆

番禺張元隆從事藩司入覲歸司有獨鶴見之心鳴且舞遇他人則否元隆以爲吉兆求詩予序之爲歌曰鶴之飛鴻厥聲鶴之舞儀其羽吁嗟乎子當出羣誰其云崔山君用韓文也後黜爲新興椽縣有獨鶴驛乃悟

雙桂文集

### 嶺南叢述

卷二十三 人事

七

### 寶安五帥

按吾粵文士自明初至中葉有南園前後五子皆出廣州一郡可謂盛矣豈知折衝禦侮儒生知兵登上將之壇爲干城之寄寶安一邑實有五人焉與國運相終始不更盛乎茲聯而屬之爲寶安五帥何真東莞員頭山人元末棄官聚眾保鄉里嶺表諸郡賴以保障歷官至中書省左丞洪武元年真遣使請降歷遷浙江布政封東莞伯羅亨信東莞英村人永樂進士歷官副都御史巡撫大同宣府土木之難宣府孤城當衝勢危甚士眾欲棄城遁亨信仗劍當門下令曰敢有出城者斬因設策捍禦敵不敢南向彭誼東莞市橋人宣德舉於鄉歷官副都御史巡撫遼東統師多捷盧祥東莞樟村人正統登進士歷陞僉都御史巡撫延綏時敵寇祥嚴兵禦之敵敗去袁崇煥東莞水南人萬歷進士歷官兵部尚書督師薊遼賜尙方劍便宜行事屢立邊功

廣東文獻

女子採香

海瓊沉香俱產黎峒多虎狼毒蛇其俗皆女子採香耳帶金環首  
纏錦帕腰佩利刀什伯為羣崖間遇有竊香者即擒殺焉嶺南雜記

廣積沙

黃相國士俊少為諸生家甚貧娶馬寧李氏富而無禮公將省試  
意欲求助於外家值李讌客嫌公衣衫襤褸於小廊下餉以鴨卵  
二枚公不知也歸途逢李僕廣積謂曰余家今日宴客相公何盪  
耶公以實對廣積憤憤不平延公到已家市物待公自度有一豕  
可足科舉用鬻金以贈公盡醉索紙筆悲歌笑罵戲成鴨春一表  
貽其翁舅中多警句至今人誦之按新語粵俗呼卵為春是科省  
闈即捷後大魁入閣以沙田報其僕因名其沙廣積云五山志林

睦族

民重建祠多置祭田歲收其入祭祀之外者用有三朔日進子弟

嶺南叢述

卷二十三 人事

八

於祠以課文試童子者助以卷金列膠庠者助以膏火及科歲用  
度捷秋榜赴禮闈者助以路費年登六十者祭則頒以肉歲給以  
米有貧困殘疾者論其家口給穀無力婚嫁喪葬者亦量給焉遇  
大荒則又計丁發粟可謂敦睦宗族矣新寧縣志

黃石齋遇仙

黃道周號石齋潭浦人家貧挾策遠游讀書羅浮山山水暴漲墜  
澗中溯流而入遇異人授以讀書之法過目不忘南疆逸史

土龍

廣人亢旱以水日雩祭於社而請雨以土為龍身皆黑而尾白長  
九尺使丈夫八人小兒八人皆衣黑衣丈夫舁龍小兒謹呼曰烏  
龍頭白龍尾小童求雨天公喜自北而南又自南而北乃歸於社  
息焉復取五蝦蟆錯置社之中掘地方五尺深一尺置水埋蝦蟆  
其中而閉之廣語



佛山大爆

佛山有真武廟歲三月上巳舉鎮數十萬人競爲醮會又多爲大爆以享神其紙爆大者徑三四尺高八尺以錦綺多羅洋絨爲飾又以金縷珠珀堆花疊子及人物使童子年八九歲者百人倭衣倭帽牽之藥引長二丈餘人立高架遙以廟中神火擲之聲如叢雷震驚遠邇其柳爆大者徑二尺內以磁罌外以篋以松脂瀝青又以金銀作人物龍鸞飾之載以香車亦使綵童推挽藥引長六七丈立三百步外放之拾得爆首則其人生理饒裕明歲復以一大爆醮神計一大爆紙者費百金柳者半之大紙爆多至數十枚柳爆數百其真武行殿則以小爆構結龍樓鳳閣一戶一牕皆有寶燈一具又以小爆層累爲武當山及紫霄金闕四圍悉點百子鐙其大小鐙燈裙燈帶華蓋瓔珞宮扇御爐諸物亦皆以小爆貫串而成又以錦繡爲飛橋複道兩旁欄楯排列珍異花卉莫可算

嶺南叢述

卷二十三

人事

九

觀者駢闐塞路或行或坐目亂煙花鼻厭沉水簪珥礙足簫鼓喧耳爲淫蕩心志之娛凡三四晝夜而後已此誠南蠻之陋俗爲有識之所笑者也喪亂之餘痍傷未復小民蠢蠢無知動破中人之產奇技淫巧自致其戎良有司者苟能出令禁止教以節儉率以樸純使皆省無益之費以爲有用之資不惟加惠斯民亦所以善事鬼神焉耳

廣語

放鴿會

廣人有放鴿之會歲五六月始放鴿鴿人各以其鴿至主者驗其鴿爲調四調五調六七也則以印半嵌於翼半嵌於冊以識之凡六鴿爲一號有一人而印一二號至十號百號者有數人而合印百號者每一鴿出金二錢主者貯以爲賞放之日主者分其二一在佛山曰內主者一在會場曰外主者於是內主者出教以清遠之東林寺爲初場飛來寺爲二場英德之橫石驛爲三場期以自

近而遠鴿人則以其鴿往既至場外主者復印其翼乃放鴿一日自東林而歸者內主者驗其翼印不謬則書於冊曰某日時某人鴿至是爲初場中矣一日自飛來而歸一日自橫石而歸皆如前驗印書於冊是二場三場皆中乃於三場皆中之中內主者擇其最先歸者以花紅纏繫鴿頸而觴鴿人以大白演伎樂相慶越數日分所貯金某人當日歸鴿若干則得金若干有一人而歸鴿數十者有十人千鴿而祇歸一二者當日歸者甲之次日歸者乙之是爲放鴿會

粵東筆記

### 龍船

順德龍江歲五六月鬪龍船鬪之日以江身之不大不小其水直而不灣環者爲龍船場約自某所起至某所止乃大竿中流以爲界船從竿左右鬪不得踰界先期定其敵兩龍船爲一偶大小長短相若黃頭郎相若也主者書於冊又以兩籌書某龍船字中分

### 嶺南叢述

卷二十三 人事

十

主者執其兩半而以兩半作卮酒與之兩船既鬪則勝者交其籌於主者主者合籌不爽則書於冊曰某船勝某船矣以一標書勝字與之其負者又與他船鬪或勝則亦得一勝標是日也船連三勝得三勝標者是爲初場最次日三勝者又與三勝者鬪三勝者連得三勝則得一五勝之標是爲二場最次日五勝者又與五勝者鬪其一得全勝是爲三場最於是主者與以狀頭標張伎樂簪花挂紅爲四六莊語送之還埠凡出龍船之所曰埠鬪得全勝還埠則廣召親朋燕飲其埠必年豐人樂貿易以饒云

五山志林

東莞有

彭峽兩山夾蹲羊綿起伏怪石礪砢若岡若阜者數十里堪輿家稱南行三紫龍此其一云峽西多居人荔枝林鬱翳蔽日有高樓二十餘座與黑葉丹苞相映舟販酥醪花果之屬者交錯水上稱水市焉峽中一小山山下爲龍母祠有老榕叢鬚百尺與飛藤糾結拂水歲蕤遊人爭繫舟其下南望羅浮諸峯隱隱可數予詩云

漸近羅浮紫翠分紛紛瀑布下層雲謂此也峽東皆沮澤五月時洪流滂潏放於百里鄉人爲龍舟之會觀者畫船雲合首尾相銜士女如山乘潮下上日已暮而未散龍舟長十餘丈高七八尺龍髯去水二尺額與項坐六七人中有錦亭坐倍之旗者蓋者鉦鼓者揮棹擊柁者不下七八十人競渡則驚濤湧起雷雨交馳舟去而水痕久不能合斯亦遊觀之至侈者廣中龍船惟東莞最盛自五月朔至晦鄉鄉有之如彭峽者可紀也

廣語

### 重午爬船

蠻鄉最重午不論生熟界出觀競渡三日而歸旣望復出謂之大十五船分五色阜船之神尤惡去一必有風雨一月前衆船下水飲食男女不敢共此弔屈原正楚俗也名曰爬船

溪蠻叢笑

### 大洲龍船

番禺大洲有宣和龍舟遺製是曰大洲龍船洲有神曰梁太保公

### 嶺南叢述

卷二十三

人事

十一

蓋以將作大匠從宋幼帝航海而南者也公將營宮殿於大洲未成而沒村民感其忠祠祀之每歲且請舉龍舟覆琰得全陰則神許矣許則舉輒有巨木十數丈浮出江中舟之長短準之號曰龍骨自崇禎丁丑以來請輒不許辛丑之歲有泣訴於神者吾老矣神今下許猶可傳之後人否則此法遂絕矣神乃許之船長十餘丈廣僅八尺龍首尾刻畫奮迅如生盪漿兒列坐兩旁皆錫盔朱甲中施錦幔上建五丈檣五檣上有臺閣二重中有五輪閣一重下有平臺一重每重有雜劇五十餘種童子凡八十餘人所扮者菩薩天仙大將軍文人女伎之屬所服者冠裳介冑羽衣衲帔巾幘襪襪之屬所執者刀槊麾蓋旌旗書策佩悅之屬凡格鬪挑招奔奏坐立偃仰之狀與夫揚袂蹙裳喜怒哀恚之情不一而足咸皆有聲有色盡態極妍觀者疑爲樂部長積歲月練習不知錦幔之中操機之士之所爲也每一舉費金錢千計神之許以十年二

十年之久蓋以惜民力也龍之口鐵鑱鑱之間之神曰不爾則雨

廣語  
沉原壤

陳巖野先生少應童子試學使者命題幼而不遜弟長而無述焉先生與彭忠愍曜並錄進庠既十餘年同案生八九十人無有舉賢書者先生謂忠愍曰是豈原壤爲崇耶乃以芻爲原壤像爲文祭之沉于江是年忠愍得舉越三年先生授兵部主事以拜官日舉于鄉冠帶就鹿鳴宴人以爲榮已而與忠愍同死國事以忠節著其未經禳除者卒無一人通顯噫亦信有兆歟

廣語

打仔

下番禺諸鄉歲正月初旬兒童先集山野間以拳棒相角謂之打仔已而壯者蜂擁至助之以勝負卜其鄉一歲之興衰陽江縣西有廝打岡歲五月五日鄉人無老少咸集奮鬪謂勝則一方吉利

嶺南叢述

卷二十三 人事

十一

此亦吳俗鬪力之戲各料彊弱相敵事類講武然非禮讓之風也宜禁

廣語

百歲進場

吳江鈕琇觚賸云順德人黃章年近四旬寄籍新寧爲博士弟子六十餘歲試優補廩八十三歲貢名太學康熙乙卯入闈秋試大書百歲進場四字於燈上令其曾孫前導同學之士有異而問之曰我今年九十九非得志時也俟一百二歲乃獲雋耳撫臺召見授餐其飲啖俱過常人贈以金帛天尺曰予廣州庠序中多眉壽之人雍正甲寅王文宗歲試番禺何劍客年一百二歲應諸生例考案列二等乾隆己未廣府梁自適一百歲應張文宗歲試文多奇雋冠一軍督撫謂

熙朝人瑞也薦之

朝准同舉人試禮部梁亦番禺人

五山志林

兩預鹿鳴

東莞尹之遠者順治丁酉科舉人至康熙丁酉年八十九歲秋榜發巡撫復延赴鹿鳴宴一人兩與丁酉宴亦希有事也主試嚴思位贈詩云六十年前攀桂客天雷碩果到今時已從石室傳丹訣復與瓊筵泛玉卮金粟山頭清白吏珊瑚洲畔去來詞非潛非見窮經術百歲常為後輩師郝志

稱壽

世世稱壽者率以十為數嶺南及江西寧都則以十之一為數魏禧謂前之十年必加一而後成復十之年必從一而生此大易貞元之義于禮為安廣語

總督旗竿

兩廣總督轅門兩旗竿東西省各主其一康熙丙寅二月白晝飛火忽焚其右焦灼過半是年孫延齡叛竊桂林郝志

嶺南叢述

卷二十三 人事

十三

父子叔姪同科

康熙甲午科東莞陳俊英與子廷璨嫡姪應槐同榜一門盛事東莞志

縣志

一科五魁

大埔縣楊姓乾隆元年丙辰科廣東鄉試中式楊文振楊必蕃楊大猷順天中式楊纘烈福建中式楊為幹同宗而一科五魁固屬僅見况纘烈必蕃文振並是期功之親尤屬一門盛事阮志

浚濠得碑

吳逆之亂潮州鎮劉進忠首叛遙為聲援平藩尚可喜發兵討之以次子尚之孝督師屢出無功鳳凰山一戰挫衄尤甚乙卯可喜於粵秀山後浚濠築壘為固守計於土中得一石碑其上有文云挖破老龍傷粵秀八風吹箭入佗城種柳昔年曾有恨看花今日豈無情殘花已自知零落看柳何須問廢興可憐野鬼黃沙積直

待劉終班馬鳴其文似詩似讖未有能解其意者瓠

### 茶山井讖

茶山城內之鷓鴣嶺西有古井康熙末忽湧黑水人異而淘之得一石碑上有文云九九九數合梅花天地九二十一年又一回雨陰雨陽相應候井宜前不宜後咫尺黃泉新與舊坤申定產富貴兒乾亥水厄非妄謬末著此讖因黑水而出鐵冠道人題十二字按明太祖師下豫章鄧愈薦臨川張景華中佐軍善太極數多奇中好戴鐵冠因號鐵冠子而其遊跡未聞至粵豈別有一人耶見

### 希姓

廣南希姓莫古於仍氏仍弩見吳志離牧傳若倫氏容氏乃粵東之望族又有利氏廣州多此姓奇莫奇於禰氏音擅廣西有禰家洲聚族而居千有餘家宋時欽州有禰某者曾為尙長維氏那氏

### 嶺南叢述

卷二十三 人事

搖黎之姓也舟車聞見錄招氏老氏布氏雞氏忠義鄉志羽氏高州府志

### 易婚

陳檢討士棧東莞温塘人家素清約隣鄉鍾姓者偶在書館閱及文課心嘉獎之許妻以女納徵後鍾妻嫌其寒酸不肯嫁以已生之女而強夫易以妾出之女鍾屢爭之開喻百端妻堅拗不從已乃慮人知覺隱忍之且曰皆我所出嫡庶胡分遂亦依之嫡女後適富室丁氏子尋歸未久家產蕩盡陳隨伊父賈於平樂獲寄清貫既數載鍾逢誕辰諸舅開壽筵慶祝二女皆往管絃嘈雜嘉賓至集時陳丁兩家忽有家人踉蹌齊至並叩之一報陳奪西粵秋魁之捷一報丁盜隣牛被縛之阨一來邀夫人旋府一來逐賊婦回家也鍾妻赧然太息入臥於榻心度曰何懸殊若此嫡女歸不數月竟以憤鬱死雷謫樓臆覽

### 婦女任勞

長樂興寧男卽力於農然女作乃登於男厥夫蓄厥婦播而獲之  
農之隙晝則薪蒸夜則紡績竭筋力以窮其歲年盍有餘粟則其  
夫輒求之酤家矣故論女功者以是爲首增城綏福都亦然婦不  
耕鋤卽采葛其夫在室中哺子而已夫反爲婦婦之事夫盡任之  
謂夫逸婦勞乃爲風俗之善云

廣語

嶺南叢述卷二十三終

嶺南叢述

卷二十三

人事

十五